



Statsforvaltaren i Vestland
Njøsavegen 2
6863 Leikanger

Referanser:
Dykkar:
Vår: 20/19348 - 22/3837

Saksbehandlar:
Tone Furustøl
tone.furustol@alver.kommune.no

Dato:
14.01.2022

Stadfestar mottatt klage og vurdering av utsatt iverksetting - gbnr 62/66 og 62/67 Toffing

Tiltak:

Byggjestad: Gbnr: 62/66
Tiltakshavar: Kenneth Bjørnevoll

Vi stadfestar med dette å ha motteke dykkar klage på vedtak fatta av Utval for areal, plan og miljø i sak 20/19348 med saknr. 144/21, datert 13.10.2021, om dispensasjon og løyve til legalisering av kai og felles flytebrygge knytt til naust for eigedomane - gbnr 62/66 og 62/67 Toffing. Kai og flytebrygge er etablert utan søknad og godkjenning. Legalisering betyr i denne samanheng å godkjenne kai og flytebrygge slik at dei vert lovleg etablert med løyve frå kommunen. Klagen er motatt den 19.11.2021 og er rettidig.

Sakshandsamingsfristen for klage er 8 veker. Der det er gjeve utsett iverksetting av vedtak er fristen 6 veker.

Før kommunen førebur saka vert klagen sendt til partane med frist for innsending av kommentarar.

Klagen kan føre til at vedtaket vert endra av administrasjonen. Det nye vedtaket er då eit nytt enkeltvedtak som det er klagerett på.

Dersom administrasjonen opprettheld vedtaket, vert klagen handsama av Utvalet for areal, plan og miljø i møte den 19.01.2020. Meir informasjon om politiske møte ligg på kommunen si heimeside.

Handsaminga i utvalet for areal, plan og miljø kan føre til at vedtaket vert endra. Vedtaket er då eit nytt enkeltvedtak som det er klagerett på. Vert administrasjonen sitt vedtak oppretthalde av utvalet, vert klagen sendt til Fylkesmannen i Vestland for endeleg avgjerd.

Vurdering av utsett iverksetting av vedtak

I mottatt klage er det oppmoda om utsett iverksetting av vedtak fatta av Utval for areal, plan og miljø i sak 20/19348 med saknr. 144/21, datert 13.10.2021. Oppmoding om utsett iverksetting vert handsama uavhengig av sjølve klagehandsaminga.

Utgangspunktet er at vedtak i byggesaker kan setjast i verk straks dei er vedtekne og gjort kjend for partane. Når eit vedtak er klaga på, kan underinstansen fatte avgjerd om at eit vedtak ikkje skal setjast i verk før klagen er endeleg avgjort.

Avgjerda vert gjort ut i frå ei heilskaplege og konkret vurdering av klagen og av dei ulike interessene og tilhøva som gjeld sjølve saka. Det sentrale for avgjerda vil vere ei vurdering av dei fordelar og ulemper ei avgjerd om utsett iverksetting vil gje td. uoppretteleg skade eller tap for partane.

I vedtaket som er fatta er det gitt dispensasjon og løyve til legalisering av kai og felles flytebrygge. Kai og flytebryggje er etablert utan søknad og godkjenning. Det er søkt om ferdigattest for tiltaka den 02.11.2021.

Administrasjonen vurderer at det er grunnlag for å gje utsett iverksetting av vedtaket om dispensasjon og løyve til legalisering av kai og felles flytebrygge inntil klagesaka er avgjort. I vurderinga av saka har administrasjonen lagt særleg vekt på at det ikkje er føremålstenleg å handsama søknaden om ferdigattest før klagen på vedtaket om dispensasjon og løyve til legalisering av kai og felles flytebrygge er endeleg avgjort. Ei eventuell omgjerding av vedtaket som no ligg føre vil kunne føra til at det vert gjeve ferdigattest på feil grunnlag slik at dette vedtaket også må endrast. Det er vidare lagt vekt på at eit vedtak om utsett iverksetting får liten konsekvens for tiltakshavar.

På bakgrunn av dette er vurderinga at det vert gjeve utsett iverksetting av vedtaket om dispensasjon og løyve til legalisering av kai og felles flytebrygge.

Denne avgjerda er ei prosessuell avgjerd og kan ikkje klagast på. Fylkesmannen kan på sjølvstendig grunnlag ta stilling til spørsmålet om utsett iverksetting i saka. Eventuelle førespurnadar om dette kan rettast direkte til Fylkesmannen i Vestland.

Aktuelt regelverk

- Frist for handsaming av klage går fram av byggesaksforskrifta (SAK) § 7-1 første ledd bokstav c.
- Frist for handsaming av klage viss det er gitt utsatt iverksetting går fram av SAK § 7-1 første ledd bokstav f.
- Kommunen kan endre vedtaket på bakgrunn av klaga, jf. forvaltningslova (fvl) § 33.
- Utsett iverksetting av tiltak har grunnlag i fvl § 42.
- Krav om utsatt iverksetting skal vurderast med bakgrunn i Ombodsmannen si årsmelding av 1985 på s. 154.

Med vennleg helsing
Alver kommune, Miljø og tilsyn

Eirik Berntsen
Avdelingsleiar

Tone Furustøl
Rådgjevar

Dette dokumentet er elektronisk godkjent og har difor ingen signatur.

Kopi til:

Help Forsikring AS	Postboks 1870 Vika	0124	OSLO
Help Forsikring AS	Postboks 1870 Vika	0124	OSLO
Kenneth Bjørnevoll	Reikeråsvegen 175	5913	EIKANGERVÅG
Kenneth Bjørnevoll	Reikeråsvegen 175	5913	EIKANGERVÅG

Mottakarar:

Statsforvaltaren i Vestland	Njøsavegen 2	6863	Leikanger
-----------------------------	--------------	------	-----------